

# ABAKWA-SARS BAWINE IMALI ENGU-R1 BILLION ECALENI LOKUGWEMA UKUKHOKHA INTELA

**Pretoria, ngoLwesine 28 kuLwezi 2019** – UPhiko lweziMali eziNgenayo eNingizimu Afrika (SARS) luyasemukela isinqumo seNkantolo eNkulu yokuDluliswa kwamaCala (“i-SCA”) esiqede icala ebese lidonse isikhathi eside nabakwa-Africa Cash & Carry.

Eminye yemigomo esemqoka yezomthetho emenyezelwe yi-SCA, ibandakanye amandla eNkantolo yeNtela okuguqula ukuhlola ngaphansi kwesigaba se-129(2)(b) soMthetho wokuSingathwa kweNtela (i-TAA), 28 wezi-2011 (“uMthetho”) njengoba kungenjalo emandleni okubuyisela ukuhlola kwa-SARS ngokwesigaba se-129(2)(c) se-TAA kanye nokuchazwa kokuthi uyini umthwalo wakwa-SARS uma kufanele baveze ubufakazi bokuthi isilinganiso sokuhlola sifanele.

Isinqumo samhla zingama-21 kuLwezi size emva kophenyo olwenziwe abakwa-SARS ekusetshenzisweni kohlelo lokufihla okudayisiwe kanye nokushintshwa kwezincwadi zezimali. Uphenyo luveze ukuthi badalule okudayisiwe okungaphansi kwalokhu okuyikho kanjalo nokushintshwa kwezibalo zesitokwe okwabangela kusilinganiso sokuhlola sentelangeniso ne-VAT, okwaphikwa umkhokhintela. INkantolo yeNtela yaguqula ukuhlola wabe umkhokhintela esesebenzisa ilungelo lakhe lokufaka isicelo sokudluliselwa kwecala ku-SCA.

I-SCA yasiqinisekisa isinqumo seNkantolo yeNtela, okwathi phakathi kokunye yakuguqula ukuhlola yaqinisekisa nokufaka kuka-SARS enye intela engama-200%. I-SCA isichithile isicelo somkhokhintela sokudluliselwa kwecala yaphinde yayalela ukuba bakhokhe izindleko zecala elivune abakwa-SARS.

Abakwa-SARS bazibophezele ngokuqeda izenzo zokugwema ngenhloso ukukhokha intela. Abakwa-SARS bakhathazekile ngezinga lokuthobela embonini yokuthenga nokuthengisa, kugxilwe kakhulu ohlelweni lwe-“Ooplang” olubandakanya “Ghost Exports (izimpahla ezingatheliswa ngoba kukholakala ukuthi zathelakiswa kanti cha)”, ukungabhalwa kokudayiswa kwe-airtime yamaselula, ukushintshwa kwama-akhawunti ezimalimboleko, ukufaka izicelo zokukhokhelwa zama-invoyisi ngenhloso yokuthola i-VAT nentelangeniso, ukusetshenziswa kwezinkampani ezingekho ukuze kwenziwe ama-invoyisi nohlelo lokufihla okudayisiwe.